

1070. L. 13  
8

CAROLIDES

Ad Patrem

CAROLVM

MAGNÆ BRITANNIÆ,

FRANCIÆ ET HIBERNIÆ

REGEM.

---

Scriptore Dauide Echlinō

Medico Reginae.

---

*Fortunatae insulae*

*Redeunt Saturnia Regna.*

---

LONDINI,

Væneunt exemplaria apud Typogra-  
phum Aug. Mathewes in via S. Brigidæ.

Anno M DC XXX.

*Super CAROLIDE Da: Echlini*  
*Iatro-Poetae Carmen.*

**C**ontineat veri si quid modò fabula vatum,  
Aut vlla historicis si sit habenda fides,  
Voce quod argutà & luavi modulamine cygnus  
Dulcius effundat morte premente melos,  
Historiæ nunc emblemata subest, occulta Poesis  
Hic latet; est senior, suavis Echlinus olor.  
CAROLIDEN sed tu post fata ordiris, & odes  
Materiam præbet mors ibi, vita tibi.  
Post Lachrymas, Mundoq; vale, & Periuria vivus  
Denuo, quis credat? cantat Echlinus adhuc.  
Immo ille ut Phœnix redivivus grande sonaret,  
CAROLIDES meruit CAROLE Prime tuus.

*Jacobus de Mayerne Theodori Equitis*  
*Vtriusq; MAIESTATIS Archiatři filius.*

MANDATA



# MANDATA AD LIBELLVM.

**V** Ade salutatum postreme Libellule CARLVM :  
Ille hilari Magnus parvula fronte capit.  
Somnia, dic, nulla hic, lachrymaeq; in funere nulla :  
Gaudia veridico nuncius ore fero.

Dic, tuus Echlinus, Rex magne, in Principis ortu  
Immemor officij noluit esse sui.

Poscit amor patria hoc, necnon utrique Parenti  
Debitus à ciue & duplici nomine amor.

Fundit, & effundet saltem, dic, qua potis Almo  
Pro CARLO & MARIA vota precesq; Deo.

Quod si forte avidus Criticus novitatis euntem  
In media advolitet te violare via,

Aut certè in reditu ; prior irritare caveto  
Stertentem strepitu, aut voce ciere canem :

Istis porrho hominem poteris cognoscere signis ;  
(Adverte, atq; animo hac percipe dicta tuo)

Vix poterit risum cohibere in fronte libelli  
Attonitus titulo & nomine CAROLIDÆ.

Pauca legens raptim naso suspendet adunco  
Omnia : subtristi lividus ore fremet.

Freudebit, ringetur iniquus, tetricus, asper,  
Ore, oculis, vultu, fronte, supercilio.

Nutabit capite & dedignabundus hiulcas  
Rugabit nares ille severus homo :

Subsannans carptim te censore ungue notabit,  
Spongiâ, Aristarchi & deficiente stylo.

Arguet immemores pensi filiq; Sorores :  
Nil Parcis parcat scivior ille meis.

Si qui me in ista mediam non attigit animum.  
Vnde animi populi signora fassus sum.

Taxabit carmen juvenile, senemq; poetam :

Delirat, dicet, non furit iste senex :

Phæbus ei, dicet, meliorem denegat artem

Stulto inter steriles Numina egena Deas.

Vel nihil ipse edit, vel pleno prædicat ore

Nil, nisi quod radio pinxerit ipse suo.

Quid restat, nisi jam rumpantur vitilia, & ipse

Divulsus medio viscera ventre crepet ?

Tu duntaxat ad hæc domini causare modestè

Macroles, morbos, tempora cana tui.

Dic, meus hic author sibi censor & ipse severus

Debebat vultu candidiore legi :

Non minus in scriptis aliorum lynceus ille

Connivere sileus & simulare solet.

Dic solam solo cantu me ducere noctem ;

Solari viduum carmina sola torum.

Dic mihi per celebres præiisse jatro Poetas

Arte unum geminâ qui coluere Deum.

Andromachum atq; Nicandrum ; Quintum his adde Serenum,

Arteq; Scaligerum clarum in utraq; patrem,

Et Buchananæ Ionsæ laudis amicum,

Cumq; Fracastorio Petisonum Thorium ;

Omnes Phæbigenas, omnes in utrumq; paratos,

Ludere, seu medicam ferre salutis opem.

Prima sit hæc agendam nunc nostra insania, culpa

CAROLIDEN veniam dic meruisse mea.

Si nihil hæc moveant, & sint sine viribus, ipsum

Tu rectâ ad dominum protinus ire jube.

Ille satis tibi quod faciat, dic forsan, habebit :

Dic, res cum ingenuo non nisi Rege mihi est.

Si quis erit, cui tu possis fortasse placere,

Sive id amore tui, sive id amore mei,



*Lauda humilis Phœbum sine fastu ejusq; Sorores,  
Qua mystam nec adhuc destituere sevem.*

### *Epigramma ad Regem.*

**N**Ate Caledoniâ Rex vltime CAROLE in ora  
Post centum septem tradita sceptrâ ab avis,  
Qui magnis Major Majoribus, omnia, circum  
Quâ fluit Oceanus, Regna Britannâ tenes :  
Primus tu primo Tamesis prope flumina nato  
CAROLIDÆ tria das sceptrâ spe habere Pater.  
Perge, age, cum MARIA, hæc eademq; Nepotibus auctâ  
Prole, in perpetuas trade gerenda manus.

### *Ad Reginam.*

**V**Oti compos habes tacitâ quod mente cupisti,  
Quod populi precibus tot petiere tui;  
Quod tuus Echlinus, tibi devotissimus unus  
Fatidico toties fudit ab ore cliens.  
Filia tu, Soror & tu Regia, Regia Conjux;  
Incipe nunc Rêgis dici aliquando Parens :  
Albaq; purpureis, siquâ potes arctius arte,  
Inncta dehinc junctis Lilia junge Rosis.

*Ad Reginam.*

**Q**Uum tibi, proh fatum, tristis male cessit abortus,  
Foeta simul foetum Musa & aborta mea est.  
Surgere post primum vt sensit tibi denuo ventrem,  
Mox vteri pondus sensit & illa sui:  
Te gravidâ est pragnans; tecum lugubris abortit:  
Et mea Musâ vtero statq; caditq; tuo.  
Det Phoebe hinc nono tu mense puerpera fias:  
Musæ vnâ Phoebus det peperisse meæ.

*Ad Principem Walliæ.*

**A**uspicijs salve Puer ô felicibus orte:  
*Vive Deo auspice tu; vivat mea te auspice Musâ.*  
*Cresce Deo duce tu; crescat mea te duce Musâ.*

*De Stella quæ postridie, & Ecclipsi Solis quæ  
apparuit biduo post natum Principem.*

**V**Rania excelsi spaciens super atria cœli,  
Quid tibi vult medio fulgida stella die?  
Quid nisi CAROLIDEN? loquitur res ipsa; repente  
Nonne vides medio est ortus vt ille die?  
Quid tibi vult Titan campis obscurus Eois,  
Illustrans radijs Occidua arua suis?  
Non aucta est Phoebe gemino se offundere Soli,  
Et fratri lumen frustra inhibere suo.  
Namq; oculo ardenti penetrasset opaca, orientis  
Viturus Solis Sol iubar ipse novum.

*Carolides Pictus.*

**E**N tibi CAROLIDES, quo nunquam pulchrior alter  
Dum jacet in cunis; ô vt & in tabula!





SERENISSIMO POTEN-  
TISSIMOQVE MONARCHÆ  
**C A R O L O**  
MAGNÆ BRITANNIÆ,  
FRANCIÆ ET HIBERNIÆ  
REGI.

**R**EX Inuictissime, semper Sacer, sem-  
per Auguste Britanniarum Monarcha,  
Nulla hic somnia; nullæ lachrymæ; ut  
non ita pridem in funere tenuis quidem,  
sed tam n̄ honestæ, siqua vsquam vnquam, muliercule,  
Philibertæ meæ Loubatæ. Omnia nunc rident in tantis  
tantūmq; desideratis Natalibus. Et cui, quæso, grati-  
ores esse debeant quàm ei, qui vtriq; Parenti tot nomini-  
bus devinctus vitam banc degat, ut sacrilegium fuisset  
semel iterum periurum non insanire? si tamen insanire.  
Argumenti pondus hisce quidem humeris longè impar,  
hac præsertim ætate, animiq;, ut nihil dicam grauius, in-  
quiete; ac dignam profectò grandiore tuba. Vnum illud  
solatio

solatio quòd propitio Iovi litare licet, non minùs ex-  
iguo farris momento, quam vel iustâ becatombe. Hoc  
saltem effecero fortassis, nisi fallor, ut alij, quod suapte  
aliiq; sponte facturi erant, meæ temeritatis exemplo  
cautiores, eundem campum alacrius, & splendidiore  
cum pompâ, fastu, apparatu decurrant, Aitonus, Ionsto-  
nus, Balfurius; & siqui Barclaio, Thorio, Rhædo su-  
persunt alij eius classis Antesignani. Ecce Rhodus,  
ecce saltus. Ac mihi certè prodesse magis, quantum in  
me erat, quàm delectare animus fuit; nec tam argutuli  
& titillantis poetæ, quàm boni civis & subditi fidelis  
testimonium, pro re ex voto tamq; foeliciter natâ, apud  
M. T. extare volui quaecunq; suoq; tempore apud Fili-  
um, sub persona carminis Natalitii alteram veluti nec  
adulantem Cyropædiam. Ut ut sit, nunc interim & quoad  
pulsitabit cor hoc, graculus inter Philomelas diurnis  
nocturnisq; precibus efflagitare non desinam, ut quam  
ore, oculis, fronte, vultu, excelsi animi magnitudinem è  
cunis præ se fert generosus optimeq; natus Princeps, ean-  
dem aliquanlo maturâ revera exhibeat in throno avi-  
to, ad gloriam Divini Nominis, Numinis; suam ipsius  
laudem & decus; patriæ, populiq; salutem.

Tuæ Matris humillimus, obsequen-  
tissimus, maximeq; omnium subdito-  
rum devinctus ac devotus servulus,

DAVID ECHLINVS.





# CAROLIDES

## DA: ECHLINI.

**Q**Vem mea multorum comitantibus vndiq; votis  
Fatidico toties iam vaticinata furore es,  
Aduectum cole Musa diem voluentibus astris,  
PRINCIPIS exoprata recens Cunabula nati.

En Magni Magna illa HENRICI HENRICA decore  
Ambiguum frontis, pietate an sanguine Maior  
Et Magnum et solum in terrarum hoc Orbe Monarcham  
CARLVM auxit, Magnaq; beavit Prole Parentem,  
Lucina facili, et primos miserante labores.  
Magna adeò exultans lætare Britannia, Magnis  
Diuisus toto Natalibus Orbis ab Orbe.  
Natalis tibi maior honos non contigit vnquam,  
Ne vel eo Nomen cui dat Constantia dempto:  
Nam nec ei tota hæc fuit insula subdita Regi;  
Hactenus indomitis peregrino à milite Scotis;  
Externam semper qui vim repulere, ferocis  
Nescia gens seruile jugum tolerasse Tyranni.  
Tuq; soror cœlum cui mitius afflat Ierne,  
Siqua fides illi qui istis Dominator in oris  
Res tulit ipse suas in Commentaria gestas;  
Hebrides hinc sparsæ dispersæq; Orcades illinc,  
Et quotquot maculæ distinguitis ora Britannæ  
Doridis, huc simul in communia gaudia, lucem

## Carolides

Concelebrate sacram, Dominae maris Insulae aperta  
Unanimi iunctos sociantes corpore gestus.  
Vos quoq; in Occiduis Nymphæ Oceanitides vndis,  
Fingite solennes vitreo sub marmore lusus,  
Optatos Diui dum Regia celsa Iacobi,  
Vagirus festum ad Tamesin trans nubila vibrat,  
Excipiens gratos digni IOVE PRINCIPIS ortus.

Nec verò ætatis, sexusq;, ac ordinis omnis  
Publica lætitia hæc, fremitusq; hic festus, & ignes  
Sub noctem accensi per compita, crebraq; circum  
Passibus in numerum, & modulis glomerata chorea;  
Iucundi calices, atq; ingeminata salutis  
Pocla per insomnem circumgræcantia noctem.  
Pulsata & raucis reboantia tympana bombis;  
Murmura campanis confusa; altusq; tubarum  
Clangor, & ignivomæ magnum per inane sagittæ,  
Dum flammæ Iovis & sonitus imitantur Olympi;  
Æmulaq; & tonitru tormenta & fulminis, ipso  
Attonito ad tantos supra Altitonante fragores;  
Tam varijs dubius resonare accentibus Æther;  
Non isthæc tantum hic refluoq; coercita Ponto  
Gaudia subsistent; Magni sed fama Puelli  
E cunis longè lateq; hinc, quæ patet Orbis,  
Trans freta in Eoas penetrabit Memnonis oras,  
Cum plausu gentes, auraq; secunda apud omnes.

Nullaq; cum festæ sacra incunabula lucis  
Natio non celebret procliui impulsa favore,  
Qua CRVCIS insigne est Diuini tessera cultus;  
Tum verò nulli concedere Gallia genti  
Debeat, aut lusus plaususue agitare minores;  
Gallia, cui generis debet primordia PRINCIPIS  
Sanguine materno, clarorum ab origine retro



**Induperatorum, Heroum, Regumq; Ducumq;**

O vos foelices foelici Prole Parentes,  
Maestis animis, maesti rerum successibus ambo,  
Coelitus huc talis quibus est demissa Propago,  
Filius a Dia nil degener indole Auorum,  
Non modò qui inter vos existat mutui amoris,  
Per thalami amplexus castiq; per oscula lecti,  
Firmandi deinceps vinclum pignusq; futurus,  
(Quando amor hic nullum capere est potis incrementum)  
Verùm & rupta odijs diuulsaq; foedera solus  
Qui valeat renovare, & denuonectere in vnum,  
Pignus amicitiae nullo debilis aëvo  
Inter concordēs post bella ferocia Reges.

Non iam Saxonidæ Gallorum littora clade  
Vlla infestabunt, nec Francica per mare classis  
Hostili æquoreum prædabitur arte Britannum:  
Quæq; adeò nuper terraq; mariq; cruenta  
Arma tulere in se, coniungunt foedera dextræ,  
Liberæq; vnanimēs mutant commercia gentes.

Ergo agite inuicti Heroes **CARLE & LOBOICE,**  
Mutua perpetui quæ pactio foederis inter  
Lilia & Arctoum stetit inuiolata Leonem,  
Hactenus a **CARLO** cognomine Magno, & **ACHAIO,**  
Ad reliquos deinceps coniunctæ extendite gentis;  
Quotquot & Imperij reuerentur sceptrâ Britanni:  
Vnitasque dehinc aliò conuertite vires  
In Mahumetæos, **CRVCIS** & Venerabilis hostes.  
Ecquis erit vestros qui impune inuadere fines  
Audeat, aut geminis obistere viribus vnus?  
Quæ regio in terris vestrorum non tremat vsquam  
Armorum ad strepitum? & clypeis post terga recedens  
Turpiter abiectis, vel solo nomine Regum

## Carolides

Tantum, & famâ passim volitante duorum  
Vos prece securam non poscat supplice pacem?  
Tuq; adeò Regina Parens Augusta Parentis,  
Tu MARIA ò MARIAE gaude tibi, lætaq; Natæ  
Et Genero gratare tua de stirpe Nepotem  
Innumeros geniturum & eadem stirpe Nepotes,  
Olim eadem qui sceptrâ, eadem qui regna gubernent.  
Ille viden' blando procul vt tibi gestiat ore?  
Delicias inter querulas tibi brachia tendat  
Mollia molliculus præsentis absentis amore?  
Vagitus audin' procul hinc trans cærula blandos?  
Mirum, ni tu ipsi placida hæc tibi somnia fingis.  
Mox erit, vt risu incipiat cognoscere matrem  
Blandulus, atq; alacer Regali ludere in Aula,  
Exhilarans Patriamq;, suos, Patriæq; Parentes.  
Spectaculo, virtutis ei cum certa futuræ  
Germina perspicient teneris frondescere ab annis.  
Taliter in cunis dedit imperterritus olim  
Contra horrendi horrenda & terga & sibila monstri  
Amphitryoniades, ad visa stupentibus illic  
Quotquot erant, specimen victuri insignis vigoris  
Quoscunq; obijceret fors forsan iniqua labores.  
Pergite Pierides, & quo pede carmen ab ortu  
Coepit, ad extremam vitæ deducite metam,  
Quæ vobis vltro Phoebus prædixit Apollo,  
Altius abs ipso repetendo exordia fonte,  
Prospera; & fausta, & dextra omnia vaticinantes.  
Tum sic orsa trium præfari prima Sororum  
Quæ cæco ducunt mortalia fata tenore.  
Clotho ego jam à tenera nascentis origine Mundi  
Authoremq; DEVM & Naturæ iussa secuta  
Gesto colum carptæ fecundam vellere lanæ,



Vnde traho, & celeri vertigine torqueo filum,  
Quod circumvoluens fuso, circumq; reuoluens,  
Vnicuiq; suum iusto neo pondere pensum;  
In liquidas vt primum infans caput extulit auras,  
Pro Io v i s arbitrio, & communis lege Parentis.  
Hæc vitæ mensura brevis, quam excedere quenquam  
Fata verant; prece sed, vel nescia flectier auri  
Illecebris, turesq; altas Magalibus æquant.  
Hac ego nuper natum & adhuc à matre rubentem  
Obstetrix in promptu, & in ipso limine præsto  
Lege intrare fino, fixo vt, nolitue, velitue,  
Tempore decedens quâ intrauerat exeat hospes.  
Non ambæ fastum quæ gignunt Indiæ Iberum:  
Vnius redimant vsuram fluxilis horæ.  
Plurima siue suâ culpâ, seu vi violenta  
Pars hominum ante diem subsistit flamine rupto.  
Perfectum pauci potuere absolueres fufum,  
Confecti exsuccâ in lectis, lentâq; senecta.  
Nulli vnquam curti protensa temporis vlna  
Mortali licuit maturum euadere ditem,  
Vel minimum ad punctum; nisi cui forte æquior istud  
Iupiter indulfit, decreti ius placitiq;  
Ipse sui euertens liberrimus vnus, & in quem  
Inclinata omnis coeloq; ereboq; potestas.  
Dijs geniti potuere: sed interea mihi tritis  
Tempus abit tritum sermonibus & fugit hora;  
Quis nescit nostri quàm lata potentia juris  
Rebus in humanis, quàm indeclinabile Numen?  
Ipsa ego dum loquor hîc, licet haud fortasse aliena,  
Linquo colum pensi rerumq; oblita mearum.  
Iamq; opus aggrediens solita arma resumo, nec vnquam  
Hactenus à primæua infantis origine mundi,

## Carolides

Lætius ardentiq; animo mihi alacrius iuit  
Versatus primis digitis & pollice fufus,  
Susceptum dulci cantu solante laborem.  
Currite ridenti mea stamina currite filo.

Feruet opus, iustum & premit hora absolueret pensum.

NYMPHA parit CARLO lecto sociata Iugali.

Tu Lucina faue, statuunt sic fata, fauebis.

Et iam ecce auspicijs Io melioribus ortus

CAROLIDES infans, quo non formosior alter

Seu faciem spectes, seu cætera, visus ab illo

Omnia qui videt & per quem videt omnia Mundus.

Non cum illo certet qui se speculatus inani

Captus amore sui fallacibus arsit in vndis.

Ipse etiam socium roseo pulchellulus ore

Non dedignetur vel iudice matre Cupido;

Pulchrum, quid mirum? pulchri genuere parentes.

Nec vero effigies genitorum, & imago fidelis

Extet vt amborum voluerunt fata benigna,

Ore tenus tantum; sed & indolis ingenijq;

Hauriet artificii expressum de semine vultum,

Incipiet cum primum adolescere, cereus omnem

Flecti in virtutem, vel sese ad cuncta Magistro.

Neue quid hinc tanto prorsum vlla ex parte deesset

Naturæ miraclo, ad opus coiere, nouemq;

Continuos coeli menses gravido genitricis

Solliciti studio blando mitiq; favore,

Incubueret vtero; partusq; instantis amicis

Aspexere oculis, & leniuere dolores;

Tranquillæ augurium pacata per omnia sortis.

Hoc erat in nostris Archiuis: nil sine nobis.

O nimium dilecte Deo, cui sidera parent

Omnia jam primos spondentia fausta sub ortus.



*Da: Echlini.*

Et nunc ecce Poli nutu exultantis, & altum  
Axis ad ætherei exemplum, læta omnia festis  
Arrident plausu hic Natalibus: aëra cantu  
Alituum mulcet genus omni à nube serenum.  
Arua Ceres, Bacchus colles, viridaria diues  
Pomona exhilarat; camposq; & prata & amænos  
Flora ferax variat ter mille coloribus agros;  
Pan pecudum custos Hamadryadesq; puellæ,  
Najades & Fauni sylvasq; & pascua, lucos  
Fluminaq; & fontes majori Numine replent.  
Eq; Caledonij spectantes vertice Grampj  
Desuper, Eo citius de littore Soles  
Surgere, in occiduas se mergere feriùs vndas:  
Ante & post valles lætantur Oreades imas,  
Gaudia quam minima rumpentes nocte diei:  
Et saxa & rupes, sua quæq; hæc gaudia signis.  
Testantur solito maioribus. Æquore strato  
Et positis ventis, feriantur per mare turmæ  
Squammigeræ, ludente ciris Tritone quadrigis.  
Ipsa etiam Tethys Nymphæq; Britannides ante  
Lucis auem solito melius lauere capillos;  
Nymphæ Nympharum multò pulcherrimæ apricas  
Quotquot Leucothea, aut ducit Galatæa per vndas.  
Ergonè Castalides solæ sine voce filebunt?  
Turpe nimis dictu: Nullus tandem angulus Orbis  
CAROLIDE non plenus erit: celebrabit acuta  
CAROLIDEN lyra, CAROLIDEN tuba rauca sonabit.  
Vix fat erit locuples in tanta encomia Cleio.  
Ille novos faciet Phoebo admirante poetas.  
Et memor Echlinus Stigiæ jam in margine ripæ,  
Post varias coeliq; saliq; soliq; procellas,  
Polliciti damnatus, aues interstrepet anser

## Carolides

Quæ vada Mæandri gelidiq; fluenta Caystri  
Et properos Tamesis remorantur in æquora fluctus,  
Voce & suavissono dulcis modulamine cantus.  
Currite jucundo mea stamina currite filo.

—Parciùs hæc Clo:ho: Lachesis dein plura locuta est,  
Doctior implicitum digitis evolvere fufum.  
O qualem frontem? sub dia qualia fronte  
Sidera? quem nasum? quod mentum? os? qualia labra?  
Angores partus cessere in gaudia Matri.  
Currite foelici mea fila excurrite fuso.

Approperet Nutrix quæ dulci alboq; liquore  
Compescat primas causa à quacunq; querelas.  
Illa omni tanto sine labe & idonea par sit  
Officio: æqualem commendet viua coloris  
Gratia, quod graijs eleganter ζῶπρον. ἀνθρ.  
Sub cute temperiem; discordibus omnigenarum  
Principijs rerum concordi hîc pace ligatis.  
Lacte fluat juvenis gemino de fonte; decenter  
Congrua sustineat præstanti in corpore membra,  
Indoleq; ingenua, & morum probitate probata:  
Ne quod jam rubrum è maternis hæctenus haustum est  
Visceribus nectar, albente vicaria veræ  
Corrumptat succo genitricis, & altera mater;  
Deroget, aut vtero quicquam suffecta mamillâ,  
Dum male degenerat fons à scaturigine prima;  
Quatenus id licitum: nam quæ nisi propria tanto  
Ac tam diuino sint vbera consona ventri?  
Sic è natali teneras traducere stirpes  
Quisuevere solo in peregrini jugera fundi  
Agricolæ, priùs hoc prudenti ante omnia curâ, &  
Arte cauent, ne dissimilis nouitate alimenti  
Languescat materno avulsus ab vbere fætus:

Atq;



Atq; ita per somnum veluti, matris sine sensu  
E gremio plantæ migrant nutricis in vlnas.

Vsq; adeò refert nutricem habuisse secundam,  
Et purum teneris lac exsuxisse labellis.

Ac certè videas, lactis qui plurima signa  
Indole temperieq; gerant, vix seminis vllum.

Interea bene CAROLIDES jam sugere coepit  
Candida, sed succo turgentia candidiore

Vbera, perdoctus quam nemo tradidit artem.

Currite constanti mea fila excurrite fuso.

Nec desit vitæ rector custosq; tuendæ

A damno ad nutum medicus ; non ille sophista,

Qui fluitante toga & venerandi barba Epidauri

Personatus eat ; non invidus ille & avarus ;

Non timidus, sed nec contrà temerarius, audax ;

Non qui aduectarum longè huc farragine rerum

Ostentans sese deploratum obruat ægrum ;

Non qui posthabita ratione, Empiricus vsu.

Nil non promittat ; sibi condita jura superbus

Nostra neget, chymicisq; nihil non arroget armis,

Bella Iovi indicens ipsumq; minatus Olympum.

Non qui è turbata & clarata abs igne matella

Omnia divinet ridenda Ouroscopos arte,

Quæ sint, quæ fuerint, & quæ ventura trahantur,

Doctus apud vulgus, doctis medicaster anilis.

Non, non ; ô procul hinc, procul ô procul este profani ;

Pæonijs procul ô, procul ô absistite sacris.

Is demum tanto huc accedat munere dignus,

(Si tamen est aliquis tanto vsquam munere dignus)

Prævia cui dux ars, comes experientia juncta,

Iudicio solidus, lentus, veloxq; sine vlla

Temporis oblatis jactura (occafio præceps.)

## Carolides

Experiundo audacem inter medius timidumq;  
In Numen pius, erga homines probus, & cui summa  
Lex sibi commissi curatio tuta sit ægri.  
Talis erat quondam ille oriundus Apolline Cous,  
Splendida qui Regis rejecit munera Persæ;  
Vir bonus & merito πολλὰν ἀνταξίαν ἔλαβεν.  
Talem aliquem, si aliquem nunc talem effæta senectâ  
Sæcla ferent; quisquis fuerit, pia cura Parentum  
Prodent solliciti & solertia rara Maerni.  
Vivat CAROLIDES, morboq; immunis ab omni  
Respuat adveniant quacunq; huc pharmaca ab ora,  
Et stomacho gravia, & tristi malegrata palato.  
Currite continuo mea fila excurrite fuso.

Optima jucundam quacunq; ætate, & ab omni  
Turba animi vacuam medicina est vivere vitam.  
Ergo quisquis erit Chiron hic, quisquis Apollo,  
Iudicij vt primum emicuit scintillula, blandis  
Spectaclis oculos lenire, sonoribus aures  
Sedulo curabit. Puero puerilia grata,  
Ludicra & innumeris crepitacula ficta figuris,  
Cantusq;, & resonæ pulsante à pectine chordæ.  
Quid pater his armis olim non præstitit Orpheus?  
Tempus erit, duce cum gymnaste ignava refellet  
Otia, tum studijs generoso Principe dignis  
Tum cursuq;, arcuq;, pilaq;, omniq; palestra,  
Et vigili jugulans homicidas corpore curas.  
Assuescet modò tum spumantem in pulvere circi  
Flectere cornipedem huc fræno Centaurus & illuc;  
Et modò carceribus laxis effusus habenis  
Figere dimidia pendentem de cruce certus  
Annulum, & altus ovans victrici ostendere in hasta:  
Acclamat vox multa, canit tuba multa triumphum.



*Da: Echlini.*

Inq; vicem tum gaudebit canibusq; avibusq;  
Et celeri accipitrum liquidum per inane volatu,  
Vnguibus & rostro fugienti prædæ inhiantum,  
Eludens castâ Venerem, Natumq; Diana;  
Dum calidus feruet circum præcordia sanguis,  
Cæcus & abstrusis venis exæstuat ardor.  
O mihi si liceat posito cum pondere fuso  
Iam vetulæ licet, & seris minùs vtili ab annis,  
CAROLIDÆ comes, & comes associata Dianæ  
Cogere per saltus perq; avia, equesve, pedesve,  
Venatu lepores, necnon genus omne ferarum.  
Ipsa mihi videor longis sub rupibus almæ  
Pittadro, haud procul à vicina Fermeloduno,  
Fermeloduno ortuq; & CARLI nomine clara,  
Clamores jam rapta audire virumq; canumq;  
Cornuaq; attonitis latè stridentia campis:  
Liquit pascor oves; opus intermittit arator;  
Sistit iter properans; resonat latratibus æther;  
Terror ubiq; fuga, & quam plurima Maris Imago.  
Hoc studiotyro Xenophontius aptus ad arma  
Fingitur, & strepitus; & prælia equumq; virumq;  
Tympanaq; & lituum, & clangenti classica ab ære.  
Currite ludenti mea fila excurrite fuso.

Nec satis est multo obduratum membra labore  
Fallere sic vacuas mala tædia temporis horas,  
Radices morbi vitijq; expellere pravas,  
Segnitie pulsa cunctorum matre malorum;  
Ni prius & nisi præcipue lectissima in agrum  
Vere novo iniicias doctrinæ & semina morum  
Sedulus: hic aliàs lappæ, tribuliq;, filixq;,  
Carduus & spinis surgit paliurus acutis,  
Infoelix aconitum, & lurida sæpe venena.

## Carolides

Mens animusq; hominis nil sunt nisi rasa tabella,  
Ipsa nisi inseulptâ doctrina & moribus ornes.  
Pulchra anima in pulchro, sit sana in corpore sano.  
Porro huic jam cautè provisum est ante periclo.  
Alter erit qualis sorte obtigit ille Iacobo,  
Davidicæ fidicen cytharæq; lyræq; Latinus,  
Gentis honor rarus, meritis nec laudibus vnquam  
Æquandum ingenium, nisi quod deliquit in vno  
Turpiter, ô Musæ faciles mi ignoscite, mendax.  
Alteri Alexandro Samius revocabit ab Orco  
Alterum Aristotelem migrante Metempsychos ortu.  
Ille docens Puerum geminæ commercia linguæ  
Authores latijs graios miscebit, & omnem  
Historiam repetet, seu sacram sive profanam,  
Seu patriam scriptore fideli, seu peregrinam.  
Sæpe illi CARLVM recitabit, sæpe IACOBVM;  
Scotia quos jactat, quos jactitat Anglia Reges,  
Angliagens victrix, gens bellica, gens numerosis  
Oceanum citraq; vltraq; superba triumphis:  
Scotia supra alias vna antiquissima gentes;  
Gens invicta virum, genus insuperabile bello;  
Ex quo primùm Author gentis vagus erro Gathelus,  
Hesperio auspicijs dubijs è littore solvens,  
Classe pius Phariam deduxit per mare Scotam;  
Signavitq; suo memorem nunc nomine portum,  
Inquisiturus sedes vbicunq; quietas.  
Audio Romulidum voces, & murmura rauca  
Invidiæ meritam frustra extenuantia laudem.  
Nec loca inaccessa & salebrosa, nec aspera montes  
Tollentes juga, nec sylvarum impervia tesqua,  
Nec desertus ager, rapidi sic sistere cursum  
Debuit Imperij, aut potuit; vallumq; Severi



## Da: Echlini.

Perpetuum veri monumentum, limitis ergo,  
Contra hostem terræ Domitorem extare coëgit  
Acre genus pugnâ & Mavortia corda virorum.  
Atq; ita quas iërat gemmas exquirere Cæsar  
Nullas ille domum retulit; quas vendere charas  
Non nisi Romuleo voluerunt sanguine Scoti.  
Sic vulpes, cum non posset pendentia ab altis  
Poma humilis ramis crebro decerpere saltu,  
Nondum maturus fructus sapit, inquit, acerbum.  
Per juga Pieridum dux ardua amoënaq; Tempe  
Obscuris clara illustrabit luce sacrorum  
Tecta involucris oracula mystica vatum.  
Organon hic Logicum & sincera mathemata tradet  
In numerisq; sonisq; & mille & mille figuris,  
Fallere jucundas fastidia temporis artes,  
Ingenuo ingenuas cum primis Principe dignas.  
Testis erit patriæ laus ille Alfonsus, Ibera  
Isthac qui egregiè decoravit sceptramathesi,  
Clarior astrologi titulo, quàm stemmate Regis.  
Post totam hanc rerum compagem in prima resolvet  
Antiquum referans Chaos & primordia Mundi:  
Mox è principijs structam fabricabit iisdem  
Alter rerum opifex, Naturæ Dædalus alter:  
Quodq; sua sapiens regione ac sede locabit.  
Stat vi terra sua in medio stabilita profundo,  
Nequicquam aërijs tantum suffulta columnis.  
Stare loco nescit; nescit loca vertere coelum:  
Volvitur in gyros & se sequiturq; fugitq;  
Vndiq; stat sursum Polus, vndiq; terra deorsum;  
Nec propius coëunt, nec distant longius vnquam;  
Nec grave subsidit præ pondere fundamentum;  
Nec subita est tecti quaquam metuenda ruinâ.

## Carolides

Omnia suspensa, & validis firmata lacertis.  
Vastatorq; vorax idemq; leuissimus ignis  
Non tamen aspirat quoquam altius in loca summa;  
Nec rapida violat vicinum vnquam æthera flammâ.  
Quæ media in medium venerunt pontus & aër,  
Sint licet ingenio inconstanti & mobile vtrumq;;  
Sorte sua gaudent tamen, & contenta quiescunt:  
Non ausit positas Nereus transcendere metas  
Iratu, nisi Naturæ permiserit Author,  
Ceum quondam socia solaq; superstitè Pyrrhâ  
Cum gentes duro instaurauit femine coniux.  
Idem aliquando igni laxas concedet habenas,  
Vltimacum summis flagrabit Machina flammis.  
Quinq; his duntaxat conflata est fabrica rebus:  
Quatuor ancillæ; dominatur quinta supernè.  
Nec quisquam hic vacuus restat locus; omnia plena:  
Nec quicquam prorsus jacet extra moenia Mundi:  
Frustra alios fingat sibi coelos vltra Epicurus.  
Sic in finito infinita potentia lucet:  
Quandoquidè ex nihilo totum hoc quodcunq; creatum est,  
Perfectum & nitidum Mundi; hoc nomine dignum.  
Currite neglecto mea fila recurrite fuso.

Iamq; extructa domus; nec deest numerosa supellex  
Atria per prima, & cameras, cænacula, turres,  
Quæq; suis digesta locis; quod pascua tondet  
Quadrupedum genus omne vagum, pecudesq;; feraeq;;  
Et quæ vilia humi reptant animalcula ventre;  
Stirps & planta, frutex, & gramen, & arbor, & herba;  
Aëra quæ pennis, quæ sulcant æquora pinnis;  
Quæ modò nant sub aquis, modò quæ tellure vagantur  
Amphibia ambiguas dubiè alternantia sedes;  
Et quæ sidereo rutilantes lampades axe

Temporis



*Da: Echlini.*

Temporis vnus tempuscula plura minutis  
Distribuunt spacijs, mensemq; horamq; diemq;  
Luce diem redeunte vehunt, abeunte tenebras,  
Quadrifidumq; secant pro tempestatibus annum;  
Qui partim astriferis citò circumquaq; ciendis  
Orbibus, ante thronum partim vt mandata Tonantis  
Accepta, in terras velocibus ocyùs Euris  
Deveherent, celeres motu & pernicibus alis,  
Dæmones incerto numero & sunt tempore nati,  
Fortunati omnes, si mens non læua fuisset.  
Quid memorem ex imo radicitus eruta Auerno  
Aurum, argentumq; & neutro minus vtile ferrum,  
Sive ensis lateri seu desit culter aratro;  
Et quos ipso auro secum indignante micantes,  
Diues Pactolus jactat Gangesq; lapillos;  
Aut quæ in sublimi, venti, ros, nix, pluvixq;  
Fulguraq; & duras motura tonitrua mentes  
Nata citò intereunt pariter citò perbrevis ævi.  
(Excipio ardenti obstinatos crine comætas)  
Singula per proprias distincto hæc ordine classes,  
Tum quæ cunctis causa & origo edisseret alter  
Ille Stagirites; cur lapsus ab arbore ramus  
Vicinum in flumen volucris mox clacquitet anser:  
Vnde Puellarum prærupta non procul arce  
Fonticulo innatitet supremo oleaginus humor,  
Morborum cura & panacæa omni utilis ægro:  
Cur importunus sine lege sine ordine fumus  
Ore inspiratus, mox nare efflatus vtraq;  
Nubibus exundans accenso è puluere, & atras  
Perfundens auras olidi nidore Tabaci,  
Spe faciles fallace salutis inebriet Indos;  
Cur lupus Anglorum non insidiatur ovili?

*Nulla*

## Carolides

Nulla alat in serpente venena salubris Ierne?  
Cur Cathedræ Marmor Fergusi è sanguine Reges  
Fatale alliciat lapis Herculis vt grave ferrum?  
Hæc nisi Naturæ transcendat quæstio fines;  
Cur fluat, in fontem refluatq; in corpore sanguis,  
Flumina vt Oceanum circum redeunt in eundem.  
Sed caveat ne fortè novo furat Eurypus æstu.  
Nempe sub æthereo quodcunque hic fornice clausum est  
Quatuor adversis variè commixtum elementis,  
Vnicuiq; data, & latet insita vis genitalis  
Qua sibi progignit simile, & si fortè renato  
Credere Anaxagoræ licet, omnia in omnibus insunt,  
Quidlibet in quovis, è quovis quidlibet extat;  
Seu sal, seu sulphur, seu phlegma hoc Mercuriale.  
Et nihil est calido lapis in fornace Sophorum  
E formâ in formam vagus artificiq; recoctus  
Igne quod obryzum tactus non vertat in aurum;  
Ridiculos nisi vas ruptum ante exhalet aborsus  
Vulcano attonito & vanum execrante laborem,  
Temporis, & nimij dispendia prodiga sumptus.  
Heu frustra quæsite lapis Chrysurge, vbi degis;  
Quæ loca, quas habitas terras? tu astutior illa  
Induit attactos quæ bestia cauta colores.  
Da mihi te nunc tandem, & adulto prima repertrix  
Te dabo CAROLIDÆ monumentum & pignus amoris.  
Quicquid id, alternos rerum ortus interitusq;  
Quas gremio instabiles complectitur infima Luna,  
Procurant coeli, & diversis astra rotata  
Motibus obliquo per signa meantia flexu;  
Dum modò transversim hæc, rectâ modò, sive calore,  
Lumine, seu cæca virtute hæc corpora subtus  
Qualicer indigena inviolata tuentur ab hoste;



Ac quæ non poterant servare hic singula semper  
 Integra perpetuant genuino hærede relicto,  
 Qui vacuum subeat munusq; locumq; parentis:  
 Deinde novus succedit defuncto alter & idem,  
 Post alij ex alijs. Occasus & ortus in orbem  
 Circumagunt formas imitantes astra caducas.  
 Utq; solum terrestre palatia celsa gubernant,  
 Sic & in æthereo, sed cum discrimine, mundo  
 Vna omnes secum sphæras rapit inferiores,  
 Et sua cuiq; præest mens propria quæ sibi junctam  
 Volvit in obliquum nullo vnquam lassâ labore;  
 Sed ludens laudesq; canens læto illius hymno,  
 Cujus vbiq; situm est centrum, non ambitus vsquam;  
 Qui coelum coelorum habitans (vbi currere promptus  
 Circumstans chorus æternum pæana perennat)  
 Magnam agitat nutu molem mens mentium, & omni  
 Mobile quod primum est movet ipse Immobilis ævo.  
 Quo feror? an furor est? & me meus abripit æstus?  
 Currite confuso mea fila excurrite fuso.

Et jam instructa domus: sed quorsum tam spaciofi  
 Aurea lux templi? quorsum tam multa supellex?  
 An frustra Deus ipse sibi satis omnia abunde  
 Intra se cohibens solum, nihil indigus extrâ  
 Ipse suas ostentat opes? & nulla erit vsquam  
 Inter tam varias Naturæ animans animantes,  
 Quæ terra ingrediens oculis & mente supernos  
 Suspiciat coelos, & opus mirata supremi  
 Ter sanctum Artificis Nomenq; & Numen adoret?  
 Tanti operis, tanti moliminis vnus in alta  
 Mente Dei residens æterni Authoris Idea  
 Fixa fuit venturus homo, primultimus idem,  
 In Mundo Mundus, Patris vnica cura & imago,

## Carolides

Ore polum versus, cui mens viget intus, & extra  
Assidue comes it, cui seruit pontus & æther;  
Omnia cui parent subiecta animalia Regi:  
Ille Dei hic nullo consorte vicarius, ille  
Regni coelestis CHRISTO post fata cohæres.  
Mortalis simul ac omne immortalis in ævum.  
Quid tanto gratus reddat pro munere IOVÆ?  
Scilicet vnus reliqua omnia facta fuerunt  
Causa hominis: tandem postremus discere Numen  
Natus homo est, servire Deo, pura venerari  
Mente ipsum: prima hæc, hæc est sapientia summa.  
Felix qui potuit rerum cognoscere causas:  
Felix ille equidem; at multò fælicior ille,  
Quisquis causarum potuit dignoscere Causam,  
Vna n mente agitans, animo defixus in vnam;  
Qui simul è Delphis didicit bene *ἡμῶν σέαυτον*.  
Circulat articulis doctrina rotunda duobus,  
Encyclion dixere venusto nomine Graij;  
Nosse Deum primò, post hunc se nosse metipsum:  
Hæc via virtutis recta quæ ducit ad astra:  
Hic campus tandem est in quo spaciabitur amplius  
Socratici novus ille hospes cultorq; Lycæi,  
Omnia Carneadis, Chrysippi & Crantoris arctè  
Scrinia perscrutans, loculosq; salubria morum  
Quicunq; ad vitam includunt præcepta beatam.  
Maturè hæc primis arte informatus ab annis  
CAROLIDES, vnum ante oculos sibi semper habebit  
Propositum Numen metamq; scopumq; laborum,  
Summum nempe bonum, quo mens satiata quiescat,  
Nil ultra affectans; huc collimabit; ab huius  
Nunquam legè errans latum discessit vnguem.  
Corde nihil premet, aut dicet facietve, quod illi  
Displiceat,



## Da: Echlini.

Displiceat, qui ipsum rerum hac in parte locavit;  
Et quæ majorem statuit Deus, ipse minorem  
Se abijciat prostratus humi sub REGE Regentum.  
Regibus Imperium est propria sibi sub ditione  
Cuiq; suos jure in populos: DEV S vnicus omnes  
Ius habet in Reges, quos cum vult trudit ab alto;  
Divinam si quando ausint infringere legem.  
Imperium parere DE O est, & summa potestas:  
Qui parere DE O nôrit sibi is Imperat ipse;  
Ipse Triumphator Dominusq; suiq; Monarcha est.  
Arte hac instructus penitusq; imbutus eadem  
CAROLIDES, alios inter versabitur omnes  
Pro re nata homines, juxta virtutis amissim,  
Omnibus humanus, nulli sine jure molestus;  
Quippe hominem sese esse memor; nec quæ induit infans  
Regia personam Majestas exuet vnquam.  
Natus homo morti est incertæ occumbere certus,  
Tam qui sceptrum gerit quam qui sacra sceptrum veretur:  
Omnes mortali mortales stirpe oriundi,  
Inq; reos Patris manavit noxa nepotes.  
Cum populo nisi quod quæ sunt communia Regi  
Omnia majora & merito expectantur ab isto  
Cuius erat præferre faciem rectiq; & honesti:  
Ac si qua hic macula est quamvis vix digna notatu  
Grandior in patulo se offert visenda theatro.  
Improbis in Regem nequaquam evadet amandum:  
Ille bonus vir sit quisquis vult Rex bonus esse.  
Talis ad Aufonios fasces trabecamq; Sabino  
Venit rure Numa insigni pietate vocatus.  
Talem credibile est intacto patre fuisse,  
Britonas e proprio qui duxit nomine, Brutum.  
Talis erat priscus Fergusius ad nova sceptrum

## Carolides

Scotorum, è patria & cognata accitus Ierne.  
Virtutum ergo omni teneris assuescet ab annis,  
CAROLIDES generi, pro viribus, Impiger ista  
Sedulò se exercens animi cum ardore palæstrâ;  
Donec longo vsu tandem, & custode remoto,  
Quicquid aget bene agat, nater & sine cortice firmus,  
E iudi & inculto factus tyrone Magister:  
Fortis erit bello erumpat Bellona, quod absit,  
Perfractis claustris, pacis cultorq; & amator;  
Tempore sed rebus prudenter utroq; gerendis  
Vulpina involvet generosum pelle Leonem.  
Iustitiæ Archetypum, vel Momo iudice, & æqui  
Civibus exemplar, dextrâ prælargus aperta,  
Regis opus proprium, cum tempus postulat & res;  
Iacandescenti lenis moderabitur iræ  
Vindictæ oblitus, castusq; & sobrius omnes  
Et vini & Veneris quotquot mælesuada voluptas  
Suggestit illecebras ridebit, dulce sonantes  
Surdior ad scopulos sapientis nobile dictum  
Verba duo hæc animo, *Tu sustine & abstine* habebit.  
Omnibus in rebus quo plùs licet, hoc minùs ipso  
Exempli audebit veritus contagia tanti.  
Hic vero antiquos utrâq; bonosq; malosq;  
Historia evolvat Reges, nec amore legendi;  
Verùm hos ut fugiat, vivendo sequatur ut illos.  
Sed quid opus veterum huc accersere nomina Regum?  
Vnus erit Pater hìc pro multis, pro omnibus: ille  
Idem vitæ Author, morum Præceptor & idem  
Optimus exemplo accendet natumq; & alumnum  
Præmia virtutis laudemq; parare decusq;:  
Quisnam vnquam CARLO prudentior extitit vno?  
Quisnam hoc vnquam vilo clementior audiit ævo?

Quid.



*Da: Echlini.*

Quid magis ingenuum? quid dulcius arte benigna  
Haftenus effinxit Natura? quis arctius vnquam  
Threicio Aonias junxit cum Marte Camoenas?  
Nemo vnquam recti solertior arbiter alter.  
Nemo incorrupti vindex constantior aequi.  
Virtutum cinnus; Naturæ exemplar & artis.  
Deliciæ humani generis; Norma vnica Regum.  
Dic, age, tu inuidiæ pestis, tu dic, agè, sodes  
Si qua latet labes vitij quod rodere iniquo  
Dente ausis? aut si qua deest sub pectore virtus?  
Certè ego non memini quenquam, nec blandiar, vnquam  
Plus dignum summis me cernere honoribus, ex quo  
Tempore fatali hunc pertracto munere fufum.  
O tali foelix tantoq; Britannia Rege!  
Tali CAROLIDES foelix Patre atq; Magistro!  
Currite dehinc facili mea fila excurrite fuso.

Illà dies tandem veniet, sed non nisi serò,  
Maturus cum annis, meritis maturior olim  
Fatali in solium pertractus marmore avitum,  
Sceptra manu capiet cinctus Diademate crinem,  
Purpureaq; Togâ, atq; Augusto insignis in Ostro  
CAROLIDES. Sacrum tum Regemaget Inclytus Heros,  
Et sibi in officio commissum ad recta tenebit.  
Legum iussa gregem rigidus pravosq; probosq;  
Hos virtutis amore, illos formidine poenæ.  
Ab IOVE principium: vellit mihi Cynthus aurem.  
Sacra pius ritusq; piorum vrgebit avorum,  
Tutus ab errore, & vestigia trita secutus;  
DEFENSOR FIDEI contra omnem strenuus hostem.  
Sacridicum neq; Doctrinâ neq; moribus vlli  
Qui profit telluris habebit inutile pondus.  
Exemplo si fortè malo sit & ipse Sacerdos

## Carolides

In cute curandâ vel re faciendâ operatus,  
Oderit hunc luce indignum cane pejûs & angue.  
At quisquis tanto perfunctus munere nullâ  
Foedus erit maculâ, & mortalia cuncta perofus  
Vitam aget in terris coelestem oransq; docensq;  
Pervigil intra adyta & sacri penetralia templi;  
Aut certè miseris præstò solatia præbens,  
Seu mala paupertas, morbusve, ærumna, sinistra  
Sors, sive ante oculos mortis premat ultimus horror,  
Supra hominum vulgus, laude hunc extoller, amabit,  
Suspiciet Parris Reverendi nomine dignum.  
Numinis omnino reverentem hunc esse notabit  
Legitimum qui sponte volet quo debet honore  
Regem observare, & pro Numine habere secundo;  
Religio cui sit simulatæ religionis  
Prætextu Imperium contemnere iussaq; eorum  
Quos DEVS est titulo dignatus & ipse Deorum.  
Post Numen cultumq; Dei, pietatis asylum  
Religione patrum patriasq; piamine ad aras  
Asserto, acceptum quod tradidit entheus ardor  
Ordinis in summi jurati verba Magistri  
Omnia dum veniens Paracletus in igne doceret,  
Post reducem in coelos Crucifixum, exinde fugatis  
Figaretis hominum, vanâq; superstitione,  
Idoloq; procul latriâ, (qualia plenum  
Credere nec fas est sancto spiramine coetum  
Transmisisse ad nos ludibria, pro genuinis  
Christicolûm sacris sine fuce) totus in vnâ  
Iustitiam incumbet, quæ regni est altera habena.  
Lance pari & causas trutinâ librabit eâdem.  
Non parceret corvis gravior censura columbis.  
Non laqueo exilem intricabit aranea muscam,  
Permittens



Permittens lacerâ grandes evadere tela.  
Non favor, aut odium, non mens miserata sinistre  
Pauperis afflictam fortunam flectere quicquam  
A recto, aut fraudem aut poterit vim obtrudere legi.  
Non vendet patronus avarior ære clientem.  
Frivola ridiculæ non viuent jurgia litis  
In natos natorum, & qui nascentur ab illis.  
Non deerit castæ viduæ protector, & infans  
Orbus utroq; parente, & canâ ætate caducus  
Decrepitusq;, & quos miseranda exercet egestas  
Contra inopem vitam, quo sustententur habebunt.  
Et Temison impune occisum non feret ægrum.  
Qui montes Scotorum habitant sylvasq;, polito  
Nil victu aut habitu cedent Gallove Italove.  
Ore stipem segnis non mendicabit Hibernus  
Per plateas passim patrijs fugitivus ab oris.  
Scotangli primis Regnorum in finibus, exlex  
Gens quondam, & cultus divini nescia nolent  
Stertere dum lux est, prædas abducere noctu.  
Servabunt vaccam junceta: Robinus in umbra  
Securus faciet sylvas resonare Ianetam.  
Æmulus aduersa respondens valle Iodocus  
Rusticulam parili tululabit Bessida avena.  
Optimus ad meritos tum quisq; ascendet honores;  
Quisq; sua ante alios excellentissimus arte.  
Qualis Regalis Custos micat ille Sigilli,  
Themidis antistes, Thomas Coventrius, in quo  
Magna agitur famæ lis cum virtute, priores  
Vtra ferat partes; tanti dum pondera Regni  
Fulcit Atlas humeris, post Regem proximus, omne  
Extra odium, supra invidiam, rumore secundo,  
Vultu hilaris, sermone affabilis, integer intus.

*Qualis*

Qualis item Custos Fiscis Aërariq; fidelis,  
 Dignus Persarum gazam seruare, Ricardus  
 Westonus, rigidus iustiq; Satelles & æqui,  
 Nec prece nec precio recto de calle movendus,  
 Infracti genius grauitasq; austeræ Catonis;  
 Cui spreto vulgi applausu & popularibus auris  
 Mascula constanti & sublimis gloria sedit,  
 Nil conscire sibi, nulla pallescere culpa,  
 Conjungens Regisq; decus, populiq; salutem.  
 Qualis in Albaula quondam Carlilius Heros  
 Et vultu gravis ingressuq; per atrij aperta  
 Incedens spacia aspectantum in sese oculosq;  
 Orâq; convertit, veteri de more quotannis  
 Dum votiva equitis renovantur festa Georgi,  
 Cærulea in torque & tibiæ perizomate lævæ,  
 MAGNANIMI promptus mandata capescere CARLI,  
 In quascunq; velit legatum mittere terras,  
 Munia seu pacis seu belli sint obeunda.  
 Qualis apud CARLVM geminus MARIAMQVE Robertus  
 Kerrusq; Aitonusq;, ille Ajax, ast hic Vlysses,  
 Alter Aristides totus quadratus vterq;  
 Qualis Apollinea summus Mayernus in arte,  
 Proximus haud paucis cui proximus est parasangis,  
 Et CARLI & Medicus MARIE Primarius idem.  
 Quales non pauci præsignes Marte, togaq;  
 Scotigenæ Angligenæq;, vñiti gente Britanni &  
 Nomine, PACIFICI post otia læta IACOBI.  
 Talibus in secreta statu de principe rerum  
 Consilia admotis, populi Pastorq; Paterq;  
 CAROLIDES, summa inq; bonos cum laude malosq;  
 Istis terribilis regnabit, amabilis illis,  
 Materies musâ redivivi digna Maronis.



**Pax** florebit honesta Britannis intus & extra.  
(Sopitum caveat quisquam tetigisse Leonem  
Eminus admonitus. *Nemo me impune laceffet*)  
**Crux** Rubra & Andree vexillo junctæ in eodem  
Hostem percellent visæ velut ora Medusæ.  
**Virginia** hinc, illinc veteri Nova-Scotia ductos  
Sponte suâ admittet Domina de gente colonos.  
**Insula** in Oceano toti dominabitur Orbi:  
**Littoraq;** egressum trans indignata Tridentem  
Terræ imponet jura Britannicus Ennosigæus.  
**Vtraq;** nativas simul invehet India merces.  
**Stannea** Cornubiæ patrijs excisa fodinis  
Æmula nil celebri concedent vasa Corintho.  
**Ipsa** etiam plumbi fax puri argenti erit instar,  
**Charaq;** centuplo trans æquora veniet ære.  
**Quæq;** Caledonijs latet aurea gaza cavernis  
Abdita jamdudum, superas prodibit in auras  
**Peritringens** oculos famâ fulgoris Ibero,  
Vellere phryxæo & formicis ditior Indis.  
**Quæ** passim gemmæ in regione legentur eadem  
Certabunt pretio conchis Oriente petitis  
**Carboq;** sulphureus quamvis niger haud erit ipso  
Carbunclo inferior, flammæque imitante Pyropo.  
**Flavo** dente aries pascens in monte Bonarto  
Detegit ejusdem sub monte metalla coloris:  
Et juga Lomondo mutabunt Pindia Musæ,  
Dulcem ubi post somnum Divino carmine vates  
Facta recenscebunt gentisq; domusq; Stuartæ.  
**Mollius** ibit equus sessore gradarius Anglo.  
**Capra** novam crispa mirabitur in cute lanam.  
**Vellera** ovis feret attonito jam byssina tergo.  
**Copia** abundanti & pleno dabit omnia cornu.  
**Flumina** jam lactis, jam current flumina mellis;

Quam Deus ipse olim terram promissit Abramo.  
 Insuper haud deerunt Canarini pocula Lyæi  
 Fumante alternis intersuffita tabaco;  
 Dum sua Forthanis sobolescat viuis uva:  
 Et penitus toto diuisa Britannia ab Orbe  
 Fortunata Orbi renovat Saturnia Regna.  
 Currite perpetuo mea fila excurrite fuso.

Substitit hic Lachesis lasa assidueq; prementi  
 Invigilans operi; nec tum mihi plura volebat  
 Pandere, quantumvis intenta usq; ora tenenti.  
 Post dubia ac anceps animi soror Atropos vade  
 Inciperet, tandem hoc sermone silentia rupit.

Si mea cum vestris valuissent vota Sorores  
 Nullus præscriptus perituri terminus ævi  
 CAROLIDÆ foret, & currens fusoq; coloq;  
 Æternum immenso fluere de flamine filum.  
 Sed quoniam IOVIS hoc jussu primæq; Parentis,  
 Non nostri ad libitum arbitrij, post sæcula multa  
 Dispensamus opus, nullo discrimine fixum est,  
 Tandem aliquando, licet serò & remeantibus annis  
 Finire hanc telam, & duris concedere faris.  
 Ergone tam dulcis migrabit ab ædibus hospes?  
 Ergone proh fata ô malè nitia! desinet unquam  
 Spirare hac anima, & cœli convexa tueri his  
 Lumina luminibus, Magni spes altera Patris,  
 Pulcher CAROLIDES decus Orbis, amorq; Britanni?  
 Ergone supremis poterit vox improba verbis  
 Tam dirum mandare nefas, currentis ut unquam  
 Sacrilegis rumpam hæc digitis ego flamina fili?  
 Absit, & emoriar licet immortalis, in ævi  
 Dedecus æterni, prius hac quam ut cæde scelestas  
 Contaminare manus adducar: nunquam ego crimen  
 Tam scdum admittam, nisi certè invita, metuve,



*Da: Echlini.*

Vive coacta olim; non si hoc me munere priveret  
Iupiter ipse infensus anum, mihi forte juvencam  
Substituens nostri indoctam fusiq; coliq;  
Quin juvat exuta fatali dehinc feritate  
(Qui meus hic amor est) ambabus suaviter vlnis  
Amplecti Pulchellum & figere basia fronti,  
Fronti in qua cunctae resident Veneres Charitesq;  
Hei mihi quod nulla mors declinabilis arte,  
Nec potis est auro arceri nitidifq; lapillis,  
Ignaris etiam irrepens sine murmure Parcis!  
Vnica de multis nova nupta sororibus olim  
Perdere quem prima juraverat impia nocte  
Servavit patri mendax, sed fida marito.  
Sic ego cujus erant partes abrumpere filum hoc  
Perpetua hic vellem mortalem luce fruisi,  
Vltra omnem prorsus producto stamine finem;  
Æquior Infanti, communi perfida Matri,  
Eutropos in veniens non amplius Atropos ævum?  
Sed quid ego hic vanas fundo malefana querelas  
Ipsa meam frustra excrucians mentemq; animumq;  
Nil opus hic opera mea erit: nam quem soror vna  
Nevisti instructum revoluti pondere pensi  
Exactè evolves sine me soror altera fufum,  
Continuum nulla re interrumpente tenorem.  
Nec furiae indigenae occultiq; domestica morbi  
Seditio, irrumpens nec vis extrinsecus vlla,  
Proditor infami sicâ, nec triste venenum,  
Nec ferus vnquam ensis, violentive impetus hostis,  
Nec poterit coecae prohibere injuria Sortis,  
Omnia CAROLIDES quin per discrimina rerum  
Numine Averrunco tutus fatifq; secundis  
Vltimum inoffenso pertingat tramite punctum.  
Herculeas vltra vix contigit ire columnas.

## Carolides

Quem penes est ævi mensura & terminus, ille  
Rursus ab integro reparans nova stamina filo,  
Si volet ad primas revocabit Iasona cunas.  
Currite, per me fas, fusoq; coloq; perenni:  
Currite, per me jam, cum stamine fila, licebit.

Atropos hæc, hæc tres blandum cecinere Sorores  
Concordes animis omnes & voce: Sed ô tu  
Magne Puer, quocunq; vocabere nomine, faustis  
Cresce avibus Patriæ, præruptaq; fortiter olim  
Emensus juga virtutis, cum sera senectus  
Imperiumq; ævumq;, vnâ tibi clauscrit hora;  
Laude satur, sceptri pertæsus, onustus honore,  
Annorum jam mole gravis, graviorq; trophæis,  
Linque neo invitus fugitivi evanida sæcli  
Regna, ac ætherea hinc scande in Capitolia victor,  
Præside TRINVNO cum millibus Aligerorum  
Innumeris, Divumq; pijs cum Manibus vnâ in  
Gloria, inexhausti ornandus Diademate regni.  
Dumq; tot ac tantis, quæ spes bona, dotibus aptus  
Concilio IONIS, & supremi in Mente Tonantis  
E titulis titulus tibi designatur avitis,  
Interea in nostris pro tempore versibus esto  
CAROLIDES, CARLI nomen de nomine Patris,  
Carligenum primus longo ordine Carolidarum.

Quod superest, Superos toto de pectore supplex  
Obsecro & obtestor, quando iracundus Apollo  
Me tibi morbisugas vetuit præscribere leges,  
Vt saltem vati liceat tua dicere quondam  
Facta seni; & quoniam ventis expandere vela  
Non datur, at nixu remorum quâ licet usus,  
Buccina CAROLIDÆ venturis dicar Echlinus.



*Ad CAROLVM Walliæ Principem, cum  
lentiozem Typographum iam præuenisset*  
*Baptismus.*

**C**Vi modo CAROLIDES nomen de nomine Patris,  
CAROLVS ecce idem cum Patre nomen habet.  
Nec tamen interea desueuerit vsque vocari  
CAROLIDES: vni nomina fortè duo.  
Nomine CAROLIDES primus, CARLVSQ; secundus,  
Altera spes Magni viuq; imago Patris.  
Multorū ille author CARLORVM & CAROLIDARVM,  
Ordine seu primus, siue secundus, erit.  
Salue tu nulli nisi CARLO CARLE secunde:  
Eveniant votis cuncta secunda tuis.

*Ad eundem.*

**M**Agne Puer cujus retro Patrumq; & Avorum  
Sæpe mei auspicijs dura adiere patres,  
Me quia nunc ætas prona & declivior arma  
Herculis ad postem fixa sacrare finit,  
Te meus HENRICVS, qui vt nomine, quæso, paternum  
Sic factis fama & laude imitetur avum.  
Te mei et à cunis orbatu matre gemelli  
Carpere quod libeat sponte sequentur iter.  
Vtroque olim orbos complectere amore parente,  
Magne puer Magnis, spes ita, maior Avis.  
Illi nil vtinam cedant maioribus in te  
Obsequioq; fide, corde, animoq; suis.

Ad eundem.

**T**ene meæ curæ inviderunt fata maligna,  
Magne Puer Magni spes & imago Patris.  
Mene aliàs procul a strepituq; & luce remotum  
Ambitus incescit vana cupido senem?  
Mene obscurum inter tot lucida sidera Mundi,  
Mene recens ortum tam prope stare Iubar?  
Ergo ego ad extremum miser atq; inglorius ævi  
Tempora perspiciam nulla serena mei.  
Siccine Mnemosine stulto meliora spondit?  
Somnia sed nulla digna fuere fide.  
Infoelix Phaeton magnis sic excidit ausis;  
Icarus Icarijs sic fuit author aquis.  
Dent mihi Pegasides saltem tua dicere facta,  
Teq; senem vati posse sonare seni.  
Pegasidum frater medico det doctus Apollo  
Incolumi morbos posse fugare tibi.

Vitam



Vitam quantumviscunq; longam tandem excipit mors: immo unusquisq; nascens, atq; etiam vivendo morimur.

Epitaphium Authoris iamdiu indies moribundi suborta Regis CAROLI liberalitate jure hæreditario planè IACOBÆA ex promisso recognitum, nec vlla vnquam in posterum Palinodia recantandum.

*Nisi forte musculum juxta Leonem ponere, tamq; illustres atq; Heroicos Natales tam obscuro, exiguo, tamq; intempestino funere Dedecorare & contristare nefas.*

**D**Avid ego Henrico Echlinus patre, Scotofifanus, Philosophus, Medicus, Philo-poeta fui.  
Nec stetit Ingentis per dona ingentia CARLI,  
Quin placida hic positus pace poeta forem.  
Ille mihi minimo Mœcenas Maximus yno  
Virgilio dignus Mœonideve fuit.  
Gallia me nutrix sublimi è sede docentem  
Cùm Sophiam tum artes audijt ingenuas.  
HENRICA HENRICI Regina Britannica Magni  
Accivit domui me medicum ipsa suæ.  
Vesicam veritus, sed frustra, ex arte secandam  
Ante obitum cecini funebre *Munde vale.*  
Disce *vale* exemplo hoc maturè dicere quisquis  
Esse improvise tutus ab hoste cupis.

Valete Camœnæ.

**G**Arriam ego insanus semper? nunquamne tacebo?  
 Et mea vel tumuli blaterabit Musa sub antro?  
 Nec poterit mutum post fata filere sepulchrum?  
 Ite meæ, dulcis quondam furor, ite Camœnæ,  
 Non ego vos posthac gelida jejunos in umbra,  
 Ipse meum cor edens, hominum vestigia vitans,  
 Atrâ delusus præcordia turgida bile,  
 Vni mihi sapiens soli, sapientibus amens,  
 Vulgo perjurus, criticorum fabula trita,  
 Post varios casus nunc tandem in ripa Acherontis,  
 Ereptus medijs è faucibus ambitionis  
 Quæ mihi quærendam poterat turbare quietem,  
 Me bifida de rupè procul ridere videbo.  
 Ite meæ, felix quondam decus, ite Camœnæ.  
 Ite valete, valete, iterumq; valete Camœnæ.

FINIS.

---

Pag. 21. Statim post Pertractus marmore auitum, non Typographi,  
 sed mutili exemplaris culpa, omissus hic versus  
 Post centum Pergusi octoq; è sanguine Reges.

Lenioribus erratis legentis fanori relictis.